

“No special treatment, please,” kata Dr M

PERDANA Menteri, Datuk Seri Dr. Mahathir Mohamad meminta Jepun jangan memberi layanan istimewa kepada rakyat Malaysia yang dihantar ke negara itu, tetapi hendaklah dilayan sebagaimana rakyat Jepun juga.

Katanya, Malaysia tidak mengharapkan pelajar dan pelatihnya dilayan berlebih-lebihan.

“Kami mahu mereka mendapat layanan yang sama. Dengan cara ini kami dapat mempelajari dari Jepun,” kata Perdana Menteri dalam perbincangannya dengan Menteri Luar Negara itu, Encik Yoshio Sakuruchi. (Dipetik dari Berita Minggu Jun 20, 1982 di bawah tajuk “Jangan layan istimewa”) Nota: Di New Sunday Times pula, berita yang sama telah diberi tajuk, “No special treatment, please”

* * *

Komen Penulis:

Makkul sekali langkah yang diambil oleh Perdana Menteri itu, kerana kalau seseorang manusia itu (sama ada pelajar ataupun bukan pelajar) dimanjakan secara keterlaluan dengan, umpamanya, diberi secara berterusan layanan istimewa ini dan “special treatment” itu, maka “keistimewaan” seperti itu boleh “merosakkan” si penerima berkenaan, dalam konteks menimbulkan anggapan yang salah di kepalanya bahawa dunia ini adalah penuh dengan keistimewaan....

Oleh itu, jika dan bila dengan sebab-sebab tertentu orang seperti itu tidak lagi memperolehi (atau lebih tepat lagi, kehilangan peluang untuk menikmati) layanan istimewa secara keterlaluan, dia akan kehilangan pedoman dan tidak akan berkebolehan hidup sempurna di dunia yang penuh dengan persaingan ini (yakni, “in this competitive world!”)

Kesimpulan: Seseorang yang terkhayal oleh layanan istimewa atau “special treatment” yang keterlaluan ataupun berlebih-lebihan tidak akan berkebolehan memahami maxim “the law of the jungle” (yang berkuatkuasa bukan sahaja di dalam rimba) yang secara literal bererti “undang-undang rimba”, yang berpandukan kepada prinsip “the survival of the fittest”, yakni, hanya mereka yang paling layak (mempertahankan diri dan mencari makan) berhak hidup....

No. Siri 2865

No. Penerimaan 6/10/85